

SERMO CLXXVIII<sup>1</sup>.

De verbis Apostoli, Tit. i. *Ut potens sit exhortari in doctrina sana et contradicentes arguere.* Contra rerum alienarum raptores.

I. BEATI Apostoli Epistola cum legeretur de constitutis episcopis, commemoravit nos sine dubio respicere in nos : et vos commemoravit non judicare nos ; maxime quia omnes audivimus capituli Evangelii recentis lectionis novissimam sententiam : « Nolite judicare » personaliter ; sed justum judicium judicate<sup>2</sup>. » Personam itaque judicando nemo accipit alienam , si non accipit suam. Beatus Apostolus ait quodam loco ; « Non sic » pugno , quasi aërem cædens , sed castigo corpus meum , » et in servitutem redigo ; ne forte aliis prædicens ipse » reprobus inveniar<sup>3</sup>. » Suo timore nos terruit. Quid enim faciet agnus , ubi aries tremit? Inter multa ergo , quibus scripsit Apostolus , qualis esse episcopus debeat<sup>4</sup> , etiam illud audivimus , unde modo forsitan loqui et disputare sufficiat. Si enim singula discutere , et de singulis , ut dignum est , disputare conemur , nec nostræ vires sufficiunt ad loquendum , nec vestrae ad audiendum. Quid ergo est quod volo dicere , si adjuvet me qui terruit me? Inter cætera ait « Episcopum potentem esse debere in » doctrina sana , ut contradicentes redarguere possit. » Magnum opus est , gravis sarcina , clivus arduus. « Sed

<sup>1</sup> Alias xix, de verbis Apostoli. — <sup>2</sup> Joan. vii, 24. — <sup>3</sup> 1 Cor. ix, 26, 27.  
— <sup>4</sup> Florus ad Tit. i.

» sperabo , inquit, in Deum , quoniam ipse liberabit me » de laqueo venantium , et a verbo aspero<sup>4</sup>. » Nulla enim caussa est , quæ magis faciat hominem dispensatorem Dei pigriorem ad redarguendos contradicentes quam timor verbi asperi.

II. Prius ergo quid sit , « Contradicentes redarguere , » ut Dominus donaverit , exponam vobis. Contradicentes non uno modo intelligendi sunt. Paucissimi enim nobis contradicunt loquendo : sed multi male vivendo. Quando mihi audet dicere Christianus , bonum esse rapere res alienas? quando quidem non audet dicere , bonum esse tenaciter servare res suas. Numquid enim dives ille<sup>2</sup> , cui successerat regio , et non inveniebat ubi poneret fructus suos , et se consilium invenisse gaudebat destruendi veteres apothecas , et construendi novas ampliores , ut impleret eas , et diceret animæ sue : Anima , habes multa bona in multum tempus , lætare , jucundare , satiare : numquid ergo iste dives aliena quærebat? Fructus suos colligere disponebat , ubi poneret consulebat<sup>3</sup> , non de cuiusquam vicini agris , non limite perturbato , non spoliato paupere , non circumvento simplice ; sed tantummodo de suis colligendis cogitabat. Audite quid audierit , qui tenaciter servabat sua ; et hinc intelligite quid expectant , qui rapiunt aliena. Cum ergo se prudentissimum consilium invenisse arbitraretur , de apothecis veteribus angustis dejiciendis , ei amplioribus novis ædificandis , et omnibus suis fructibus colligendis et recondendis , non alienis concupiscendis atque rapiendis ; ait illi Deus , « Stulte : » ubi tibi sapiens videris , ibi stulte. « Stulte , » inquit , hac nocte repetunt a te animam tuam , hæc » quæ præparasti cuius erunt<sup>4</sup>? » Si servaveris , tua non

<sup>1</sup> Psal. xc, 2. — <sup>2</sup> Luc. xii, 16. — <sup>3</sup> Cod. Cass. ii, fol. ii. *Ubi poneret cogitabat*, nulli violentiam facere, etc. — <sup>4</sup> Luc. xii, 20.

erunt : si erogaveris, tua erunt. Quid, inquit, reponis, quod relicturus es<sup>1</sup>? Ecce increpatus est stultus male recondens. Si stultus est qui recondit sua, vos invenite nomen ei qui tollit aliena. Si sordidus est reconditor suorum, ulcerosus est raptor alienorum. Sed non qualis ille ulcerosus, qui jacebat ante januam divitis, et cuius canes linguebant ulcera<sup>2</sup>. Ille enim ulcerosus erat in corpore; raptor in corde.

III. Fortassis aliquis respondeat, et dicat : Non valde magna poena erat illi homini, cui dixit Deus : Stulte. Non sic dicit Deus : Stulte, quomodo homo dicit. Tale in quemquam Dei verbum, judicium est. Numquid enim Deus stultis datus est regnum cœlorum<sup>3</sup>. Quibus autem non est datus regnum cœlorum, quid eis restat, nisi poena gehennarum? Conjicere hoc videmur : aperte hoc manifesteque videamus<sup>4</sup>. Nam et ille dives, ante cuius januam jacebat pauperrimus ulcerosus, non est dictus raptor rerum alienarum. « Erat quidam dives, inquit, qui induebatur purpura et byssō, et epulabatur quotidie splendide<sup>5</sup>. » Dives, inquit, erat : non dixit, calumniator ; non dixit, pauperum oppressor ; non dixit, rerum alienarum raptor, aut delator, aut receptor ; non dixit, pupillorum spoliator ; non dixit, viduarum persecutor ; nihil horum : sed, « Erat quidam dives. » Quid magnum est? Dives erat, de suo dives erat. Cui aliquid tulerat? An forte ille auferret, et Dominus de illo reticeret, et personam ejus acciperet, si crimina ejus abscon-

Cod. Cass. II, fol. II. Praecedant ergo magis quo secuturus es. Ecce increpatus est stultus male recondens. — <sup>2</sup> Luc. XVI, 20. — <sup>3</sup> Cod. Cass. II, fol. II. Probant hoc illæ quinque virgines quæ extra januam leguntur exclusæ. Quibus autem, etc. — <sup>4</sup> Cod. Cass. II, fol. II. Considerare autem attentius debemus ut hoc apertius videre possimus. — <sup>5</sup> Luc. XVI, 19.

deret, qui nobis dicit : « Nolite personaliter judicare<sup>1</sup>? » Si vis ergo audire crimen divitis illius, noli amplius quærere, quam audis a Veritate. « Dives erat, induebatur purpura et byssō, et epulabatur quotidie splendide. » Quod ergo ejus crimen? Jacens ante januam ulcerosus, et non adjutus. Hoc enim aperte de illo dictum est, quod immisericors erat<sup>2</sup>. » Numquid enim, charissimi, si pauper ille ante januam jacens sufficientem panem a divite acciperet, diceretur de illo quia cupiebat saturari de mīcis, quæ cadebant de mensa divitis. Propter hanc solam inhumanitatem, qua contemnebat pauperem ante januam suam jacentem, nec congrue digneque pascebatur, mortuus est et sepultus; et cum apud inferos in tormentis esset, levavit oculos suos, et vidi pauperem in sinu Abrahæ. Et quid pluribus immorer? Desideravit guttam, qui non dedit micam : non accepit justa sententia, qui non dedit crudeli avaritia. Si hæc ergo poena est avarorum, quæ poena raptorum?

IV. Sed ait mihi raptor rerum alienarum : Ego similis illius divitis non sum. Agapes facio, vinctis in carcere victimum mitto, nudos vestio, peregrinos suscipio. Dare te putas? Tollere noli, et dedisti. Cui dederis, gaudet; cui abstuleris, plorat : quem duorum istorum exauditur est Dominus? Dicis ei cui dederis : Gratias age quia accepisti. Sed alter tibi ex alia parte dicit : Ego gemo cui abstulisti. Et pene totum tenuisti, et exiguum illi dedisti. Si ergo quod alteri abstulisti egentibus dedisses, nec talia opera diligit Deus. Dicit tibi Deus : Stulte, jussi ut dares, sed non de alieno. Si habes, da de tuo : si non habes quod des de tuo, melius nulli dabis, quam alteros spoliabis. Dicturus est Dominus Christus, cum in

<sup>1</sup> Joan. VII, 14. — <sup>2</sup> Cod. Cass. II, fol. II. Immisericors erat, non quia aliena rapuit, sed quia de propriis erogare noluit. Numquid, etc.

judicio suo sederit, et alios ad dexteram et ad sinistram alios separaverit, bene operantibus, « Venite benedicti » Patris mei, percipite regnum. » Sterilibus autem, qui nihil boni in pauperes operati sunt, « Ite in ignem æternum. » Et quæ dicturus est bonis? « Esurivi enim, » et dedistis mihi manducare, *et cætera*. Et respondebunt illi, Domine, quando te vidimus esurientem? Et ille ad eos: Cum uni ex minimis meis fecistis, mihi fecistis<sup>1</sup>. » Intellige ergo, stulte, qui vis eleemosynam facere de rapina, quoniam si quando pascis Christianum, pascis Christum; quando spolias Christianum, spolias Christum. Attendite quid sinistris dicturus est: Ite in ignem æternum. Quare? « Esurivi enim, et non dedistis mihi manducare; nudus fui, et non vestistis me. Ite. » Quo? « In ignem æternum. » Prorsus ite. Quare? « Nudus fui, et non vestistis me. » Si ergo in ignem æternum ibit cui dicturus est Christus, « Nudus fui, et non vestisti me: » quem locum in igne æterno habebit cui dicturus est: Vestitus fui, et spoliasti me?

V. Hic fortasse ut evadas hanc vocem, ne dicat tibi Christus: Vestitus fui, et spoliasti me, mutata consuetudine, cogitas spoliare Paganum, et vestire Christianum<sup>2</sup>. Et<sup>3</sup> hic respondebit tibi Christus, imo nunc respondebit tibi per servum qualemcumque ministrum suum: respondebit tibi Christus, et dicet: Etiam hic parce damnis meis. Cum enim Christianus spolias Paganum, impedis fieri Christianum. Etiam et hic fortasse respondebis adhuc: Ego non odio poenam ingero, sed dilectione potius disciplinæ: ideo spolio Paganum, ut per hanc asperam et salubrem disciplinam faciam Christianum.

<sup>1</sup> Matth. xxv, 34-40. — <sup>2</sup> Cod. Cass. II, fol. II. *Cogitas spoliare haereticum vel Judæum et non vestire Christianum.* — <sup>3</sup> Forte tunc.

num. Audirem et crederem, si quod abstulisti Pagano, redderes Christiano.

VI. Diximus contra unum vitium rapinarum, quo res humanæ usquequa vastantur: diximus, et nemo nobis contradicit. Quis enim audet apertissimæ loquendo contradicere veritati. Non ergo facimus quod Apostolus monuit, non contradicentes redarguimus<sup>4</sup>, obedientes alloquimur, laudantes instruimus, non contradicentes redarguimus. Ita vero non contradicunt lingua, sed vita. Moneo, rapit; doceo, rapit; præcipio, rapit; arguo, rapit: quomodo non contradicit? Dicam ergo quod de hac re sufficere existimo. Abstinete vos, fratres; abstinete vos, filii; abstinete vos a consuetudine rapiendi: et vos qui sub manibus raptorum gemitis, abstinete vos a cupiditate rapiendi. Alius potens est, et rapit: tu in manu raptoris gemis, quia rapere non potes, ideo non facis. Habeto facultatem, et ibi laudabo domitam cupiditatem.

VII. Beatum sancta Scriptura dicit, qui post aurum non abiit; qui potuit transgredi, et non est transgressor; qui facere mala potuit, et non fecit<sup>2</sup>. Tu autem dicas: Nunquam negavi rem alienam. Quia forte nemo tibi commendavit, aut forte commendavit, sed sub testibus commendavit. Dic mihi, reddidisti, quando a solo solus, ubi Deus inter vos fuerat, accepisti? Si tunc reddidisti, si mortuo qui commendavit, nescienti filio reddidisti; tunc te laudabo, quia post aurum non isti; quia potuisti transgredi, et non es transgressor; quia potuisti mala facere, et non fecisti. Si forte alienum sacculum solidorum, ubi nemo te vidit, in via invenisti, et sine ulla mora cujus fuerat reddidisti. Eia, fratres, redite ad vos, inspicite vos, interrogate vos, vera respondete vobis, et judeicate vos non secundum personam, sed justum ju-

<sup>1</sup> Tit. I, 9. — <sup>2</sup> Eccli. xxxi, 8-10.

dicum judicate. Ecce Christianus es, ecclesiam frequenteras, verbum Dei audis, de lectione verbi Dei lætissime commoveris. Tu laudas tractantem, ego quæro facientem: tu, inquam, laudas dicentem, ego quæro facientem. Christianus es, frequenteras ecclesiam, amas verbum Dei, et libenter audis. Ecce hoc quod propono, in eo te examina, in eo te appende, in eo ascende mentis tuae tribunal, et constitue te ante te, et judica te; et si pravum inveneris, corrige te. Propono ergo. Deus dicit in Lege sua, inventionem esse reddendam<sup>1</sup>: Deus in Lege sua dicit, quam primo populo dedit, pro quibus Christus nondum erat mortuus, inventionem tanquam alienum esse reddendam, si quisquam, verbi gratia, in via inventiat alienum sacculum solidorum, debere reddere. Sed nescit cui? Non se excusat ignorantia, si non dominetur avaritia.

VIII. Dicam Vestrae Charitati, quoniam dona Dei sunt; et sunt in populo Dei qui non frustra audiunt verbum Dei: dicam quod fecerit pauperrimus homo, nobis apud Mediolanum constitutis; tam pauper, ut proscholus esset grammatici (7): sed plane Christianus, quamvis ille esset paganus grammaticus; melior ad velum, quam in cathedra. Invenit sacculum, nisi forte me numerus fallit, cum solidis ferme ducentis: memor legis proposuit pittacium publice. Redendum enim sciebat; sed cui redderet ignorabat. Proposuit pittacium publice: Qui solidos perdidit, veniat ad locum illum, et quærat hominem illum. Ille qui plangens circumquaque yagabatur, invento et lecto pittacio, venit ad hominem. Et ne forte quæreret alienum, quæsivit signa, interrogavit sacci qualitatem, sigillum, solidorum etiam numerum. Et cum omnia ille fideliter respondisset, reddidit quod in-

<sup>1</sup> Deut. xxii, 3.

venerat. Ille autem repletus gaudio, et quærens vicem rependere, tanquam decimas obtulit illi solidos viginti: qui noluit accipere. Obtulit vel decem: noluit accipere. Saltem rogavit vel quinque acciperet: noluit ille. Stomachabundus homo projecit sacculum: Nihil perdidi, ait; si non vis aliquid a me accipere, nec ego aliquid perdidi. Quale certamen, fratres mei, quale certamen, qualis pugna, qualis conflictus? Theatrum mundus, spectator Deus. Victus tandem ille quod offerebatur accepit: continuo totum pauperibus erogavit, unum solidum in domo sua non dimisit.

IX. Quid est? Si aliquid egi in cordibus vestris, si verbum Dei insedit in vobis, si requiem invenit apud vos, facite hoc, fratres mei: nolite putare damnum vocationis, si feceritis; magnum lucrum est, si feceritis quod dico. Perdimi viginti solidos, perdimi ducentos, quingenitos. Quid perdidisti? De domo tua perierant: alter perdididerat, non tu. Terra communis est, in una domo estis, in hoc mundo ambo viatores, hujus vitæ<sup>1</sup> unum stabulum intrastis. Posuit ille, oblitus est ille; cecidit ab illo, tu invenisti alibi. Quis invenisti? Christianus. Quis invenisti? Qui legem audisti, Christianus qui legem audisti. Quis invenisti? Qui cum audires multa laudasti, tu invenisti. Si ergo veraciter laudasti, redde quod invenisti. Si ergo non reddidisti quod invenisti; quando laudasti, testimonium contra te dixisti. Estote fideles inventores, et tunc iniquos vituperate raptiores. Nam quod invenisti et non reddidisti, rapuisti. Quantum potuisti, fecisti: quia plus non potuisti, ideo non plus fecisti. Qui alienum negat, si possit, et tollit. Quod non tollis, timor prohibet: non bonum facis, sed malum metuis.

X. Quid est magnum, timere malum? Magnum est non

<sup>1</sup> Forte vita.

facere malum : magnum est amare bonum. Nam et latro timet malum ; et ubi non potest , non facit : et tamen latro est. Deus enim cor interrogat , non manum. Lopus venit ad ovile ovium, quærerit invadere, quærerit jugulare, quærerit devorare : vigilant pastores, latrant canes : nihil potest , non aufert, non occidit; sed tamen lupus venit, lupus redit. Numquid quia ovem non tulit, ideo lupus venit, et ovis redit? Lupus venit fremens, lupus redit tremens : lupus est tamen et fremens et tremens. Interroga ergo te, quisquis vis judicare ; et vide si tunc non facis male, quando potes facere , et ab homine non puniri : tunc times Deum. Nemo est ibi, nisi tu et ille cui facis malum , et Deus qui ambos videt : vide, ibi time. Parum est quod dico : Vide, ibi time malum : ibi ama bonum. Nam etiamsi timore gehennæ non facis malum , nondum es perfectus<sup>1</sup>. Audeo dicere , si timore gehennæ non facis malum, est quidem in te fides, quia credis futurum Dei esse judicium : gaudeo fidei tuae , sed adhuc timeo malitiæ tuae. Quid est quod dixi ? Quia si timore gehennæ non facis malum, non amore justitiæ facis bonum.

XI. Aliud est, timere poenam ; aliud est, amare justitiam. Amor castus in te esse debet , quo amore desideres videre, non coelum et terram, non campos liquidos maris, non spectacula nugatoria, non fulgores nitoresque gemmarum : sed desidera videre Deum tuum , amare Deum tuum : quia dictum est : « Dilectissimi, filii Dei » sumus, et nondum apparuit quod erimus, scimus autem » quia cum apparuerit, similes ei erimus, quoniam vide- » bimus eum sicuti est<sup>2</sup>. » Ecce propter quam visionem fac bonum , ecce propter quam noli facere malum. Si enim amas videre Deum tuum , si in hac peregrinatione illo amore suspiras ; ecce probat te Dominus Deus tuus,

<sup>1</sup> Florus ad Hebr. xii. — <sup>2</sup> i Joan. iii, 2.

quasi dicat tibi : Ecce fac quod vis , imple cupiditates tuas, extende nequitiam, dilata luxuriam, quidquid libuerit, licitum puta ; non hinc te punio, non te in gehennas mitto , faciem meam tantum tibi negabo. Si expavisti , amasti ; si hoc quod dictum est : Faciem suam tibi negabit Deus tuus, conremuit cor tuum, in non videndo Deum tuum magnam poenam putasti ; gratis amasti. Si ergo sermo meus invenit in cordibus vestris aliquam scintillam gratuiti amoris Dei, ipsam nutritre : ad hanc augendam vos advocate prece, humilitate, dolore penitentiae, dilectione justitiae, operibus bonis, gemitibus sinceris, conversatione laudabili, amicitia fideli. Hanc scintillam boni amoris flate in vobis, nutritre in vobis : ipsa cum creverit, et flammarum dignissimam et amplissimam fecerit, omnium cupiditatum carnalium foena consumit.

---

SERMO CLXXIX<sup>4</sup>.

De verbis apostoli Jacobi, cap. i. Sit autem unusquisque vestrum velox ad audiendum, tardus autem ad loquendum. Ac de illis ibidem : Estote autem factores verbi, et non auditores tantum, etc.

I. VERBI Dei assiduos auditores, beatus Jacobus apostolus convenit, dicens : « Estote autem factores verbi, et non auditores tantum , fallentes vosmetipsos<sup>2</sup>. » Neque enim eum cuius verbum est, aut per quem dicitur verbum : sed vosmetipsos fallitis. Ex hac ergo sententia manante de fronte veritatis , per os apostolicum veracissi-

<sup>4</sup> Alias de Diversis 27. — Jacob, i, 22.